



Inatsisartuni ilaasortaq  
Akitsinnguaq Olsen

TAMASSA

**Danskit Naalagaaffianut Naalakkersuisut nunanit allaneersut pillugit inatsit (udlændingelov) pillugu saaffiginninnerat pillugu § 37-mik apeqquteqaammut nr. 2012-255-imut akissut**

15. novemberi 2012  
Sagsnr. 2012-060499  
Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanoq.gl  
www.nanoq.gl

**Apeqquut 1.:**

*"Nunanit allaneersut pillugit inatsit pillugu qanga Naalakkersuisut Danskit Naalakkersuisuutitaanut/Naalagaaffianut saaffiginnippat?"*

**1. pillugu akissut**

Nunanit allaneersut pillugit inatsisaasunut tunngasunik apeqqutit pillugit danskit Nunanut allaneersunut oqartussaasoqarfiinik Namminersorlutik Oqartussat nalinginnarmik attaveqartuutarput.

Aalajangersimanagerusumik inuussutissarsiutini suliniutinik angisuunik piviusunngortitsini- arnermut inatsisinut tunngasutigut aporfissaasinnaasunik oqaloqatigiinninniarluni ataatsimiinnissaq siunertaralugu Inatsisinik atortitsinermit Ministereqarfiup ataani danskit nunanut allaneersunut oqartussaasoqarfinnut Inuussutissarsiornermut Suliffeqarnermullu Naalakkersuisoqarfik 11. oktober 2011-mi mailikkut saaffiginnissuteqarpoq. Apeqquutit taakku qulaajaaviginissaat suliniutinik angisuunik nassuiaasiornermut, Naalakkersuisut UPA 2012-imi saqqummiussaanut pingaaruteqartuusimapput. Inuussutissarsiornermut Suliffeqarnermullu Naalakkersuisoqarfiup aamma Inatsisinik atortitsinermit Ministereqarfiup akornanni 2. november 2011-mi ataatsimiittoqarpoq. 11. januar 2012-imi Inuussutissarsiornermut Suliffeqarnermullu Naalakkersuisup aamma Inatsisinik atortitsinermit ministerip akornanni ataatsimiittoqarpoq.

**Apeqquut 2:**

*"Nunanit allaneersut pillugit sorlerpiaat pingaartillugit Naalakkersuisut inissisimappat?"*

**2. pillugu akissut**

Inatsisartuni UKA 2012-imi oqaluuserineqartunik suliniutit angisuut pillugit nassuiaammik nunanit allaneersut pillugit pingaarnertut ajornartorsiutaasut nassuiarneqarsimasut aallaavigineqarput. Taamaalilluni suliniutini angisuuni avataaneersunik sulisartoqarnissamut sinaakkusiisinnasunik, aammalu suliniutinut immikkut ittunut taakkununnga atattillugu najugaqarnissamut sulinissamullu akuersissuteqarnerni naleqquttumik aqutsisoqarnissamut nunanit allaneersut pillugit inatsimmi allannguutissat nalilersorniarlugit immikkut ittumik alaatsinaattoqarsimavoq.

### **Apeqquut 3:**

*"Naalakkersuisunut danskit naalagaaffiannut saaffiginnissut qanoq imaqarpa, allakkatigullu allatigullu attaveqatigiinnerit pineqartut akornani qanoq ingerlanneqarpat?"*

### **3. pillugu akissut**

Inatsisunik atortitsinermut Ministereqarfimmut danskit nunanit allaneersunut oqartussaasoqarfiinut 11. oktober 2011-mi mailikkut saaffinnissut apeqqutigisavit akissuteqarfigneranut pingaarutilittaa imatut oqaasertaligaavoq:

*"... Inuussutissarsiutitigut suliniutinik angisuunik piviusunngortitsinissamut kiisalu erngup nukissiorfimmit nukissamik atuinermik tunngaveqartumik aluminiumik suliniummik tungasumik Inatsisartut 2012-imi upernaakkut ataatsimiinnissaannik aalajangiussassatut tunngavissiissutip suliarineqarnissaanut inatsisitigut aporfissaasut pingaarutillit pillugit Naalakkersuisoqarfik nassuiaasiornermik suliaqarpoq. Tamanna ilutigalugu inuussutissarsiutitigut suliniutinik angisuunik neqeroortitsisarneq sanaartornerlu pillugit immikkut inatsisiliassamut siunnersuutissamut allaqqaakkamik ilusilersuinermik Naalakkersuisoqarfik suliaqarpoq, tassani Kalaallit Nunaanni inatsisit atuuttut pisariaqarfissaatigut annertussuseqartillugit atortikkunnaarneqassallutik, aammalu immikkut ittunik, taamaatorli akuersaarnartunik aningaasarsiaqarnikkut atorfinitsitaanikkullu piumasaqaateqarfiusunik aammalu Kalaallit Nunaata nunani tamalaani pisussaaffeqarfiinik ataqqinnittunik sanaartornerup nalaani nunanit allaneersunik pisariaqartitaasunik atorfinitsinissamik periarfissiisumik aalajangersagartalerlugit.*

*Aallarniutigalugu ministereqarfiup 2. november 2011-mi taamatut ittumik ataatsimiinnissamut piffissaqarsinnaanissaa tusarusupparput. Taamaassappat siunnersuutaasutut ataatsimiinneq sioqqullugu Kalaallit Nunaannut inuussutissarsiornikkut suliffeqartitsinikkullu annertuumik pingaaruteqartussanik inuussutissarsiutini suliniutinik angisuunik piviusunngortitsinnaalersitsisussamik suliniutinut angisuunut inatsimmi aalajangersagaasuni piumasaqaataasussat sorliit aalajangersarneqarsinnaanissaannut najoqqutasianik aalajangersaanissamut oqallinnissamut atugassanik siunnersuummik nassiusaqarsinnaanissarput naatsorsuutigaarput.*

*Naggasiutigalugu Kalaallit Nunaanni aatsitassarsiorluni ingerlatani nunanit allaneersut suliffeqarnerannut atatillugu nunanit allaneersunut inatsisip aqunneqarneranut tunngatilugu aaqqiissutaasimasup ukiormanna isornartortaqqanngitsumik atugaasimanera, aammalu ilaatigut ukiumi uuliasiorniarnermik suliarujussuarmut atatillugu qaammatit tamaasa Kalaallit Nunaaliartut tamaannaanniillu aallartartut nunanit allaneersorparujussuit angalasarnerinut aqutsisoqarnermi ajornartorsiutitaqqanngitsumik nassataqarsimanera oqaatigineqassaaq."*

Inuussutissarsiornermik Suliffeqarnermullu Naalakkersuisoqarfiup aamma Inatsisunik atortitsinermut Ministereqarfiup akornanni 20. juni 2011-mi ataatsimiittoqaqqippoq. Tassunga atatillugu ataatsimiinneq sioqqullugu kingornatigut Inatsisunik atortitsinermut Ministereqarfimmit suliniutini angisuuni nunanit allaneersunik sulisoqarnissamut inatsisinut tunngasutigut sinaakkutissat ilusilersornissaannut apeqqutinut tunngasunik allaqatigiittoqarpoq.

**Apeqquut 4:**

*"Naalakkersuisut nunanit allaneersut pillugit inatsit pillugu saaffiginnissutaasut qaqugu naammassillugu suliarinissaat naatsorsuutigivaat, kiallu pineqartut pillugit tamakkiisumik akisussaaffigai? Naalakkersuisut Siulittaasuata, Inuussutissarsiornermut Naalakkersuisup imaluunniit Naalakkersuisut allat?"*

**4. pillugu akissut**

Suliniutini angisuuni illuliorititernerni sanaartornernilu suliasat pillugit Inatsisartut inatsisissaattut siunnersuutip Inatsisartut akuersissuteqarnissaat apeqqutaalluni suliniutini angisuuni sanaartornerup nalaani nunanit allaneersunik sulisartoqarnissaq pillugu danskit naalakkersuisuisa inatsisissatut siunnersuutaannut oqaaseqaatissaq pillugu Inatsisartut 2013-imi upernaakkut ataatsimiinnerani aalajangiiffigisassatut siunnersuummik ilanngussisoqarnissaanik danskit naalakkersuisut qinnuiginnissapput. Aalajangiussassatut siunnersuutip saqqummiunnissaa Inuussutissarsiornermut Suliffeqarnermullu Naalakkersuisuni ilaasortamiissaaq.

**Apeqquut 5:**

*"Naalakkersuisut qulaani pineqartuni suliap ingerlateqqinnissaani nunatsinni suliasanik angisoorsuarni inuussutissarsiornikkut ingerlatassani (storskalaprojekter) sunniuteqartussanik Naalakkersuisut suliaqarpat?"*

**5. pillugu akissut**

Apeqqutigisat ammasupilussuovoq, assersuutigaluguli suliniummik angisuumik piviusunngortitsinissaq sanaartornerup nalaani nunanit allaneersunik sulisartorpassuarnik tikittoqarlunilu aallartoqartarneranik aqutsisinnaaniassalluni inatsisitigut tunngasunik si-naakutissanik naleqquttunik pissarsisoqarnissamit aalajangerneqartussaassaaq.

**Apeqquut 6:**

*"Naalakkersuisut apeqqutinut siuliani taaneqartut ilaannaanulluunniit akuersaartumik akisinnaappata, taava tamatumunnga tunngatillugu Naalakkersuisut eqqarsaatersuutini sunik iliuseriniakkanillu sunik suliannillu ingerlanneqartuni nunanit allaneersut pillugit inatsimmi (udlændingeloven) Naalakkersuisut qanoq suliaqarpat, kialu tunngaviusumik akisussaaffigaa nunarput sinnerlugu nunatsinni Naalakkersuisut Danskillu Naalagaafiata akornani paasissutissanik avitseqatigiinnerit assigisaanillu attaveqatigiinnerit ingerlanneqarneri?"*

**6. pillugu akissut**

Namminersorlutik Oqartussat nunanit allaneersunik immikkoortoqarfimmi suliannik isumaginittarnermut akisussaaffik, taamaalillunilu Danmarkimi nunanit allaneersunut oqartussaasoqarfimmut attaveqartarnermut akisussaaffik Inuussutissarsiornermut Suliffeqarnermullu Naalakkersuisoqarfimmi inissisimavoq. Nunanit allaneersunik immikkoortoqarfimmi nalinginnarmik maleruagassanik ulluinnarni aqutsisoqarnerup nakkutillinerullu pitsanngorsarnissaat siunertaralugit Namminersorlutik Oqartussat, kommunit, Politiit aamma danskit nunanit allaneersunik oqartussa qarfiisa akornanni oqaloqatiginnit-toqartuarpoq.

**Apeqquut 7:**

*"Naalakkersuisut nunanit allaneersut pillugit inatsit pillugu Naalakkersuisut aaqqiissutis-  
sanik siunnerfigisaminnik massakkut siunissamilu aaqqiissutissat pillugit sunik qanorlu  
innuttaasunut saqqummiiniarpat?"*

## **7. pillugu akissut**

Suliniutit angisuut nunanit allaneersunik immikkoortoqarfimmi immikkut ittunik unammil-  
lerfissaqartitsippot, tamannalu ilaatigut tassaavoq Suliniutini angisuuni illuliortiterneri  
sanaartornernilu suliassat pillugit Inatsisartut inatsisaannut UKA 2010-imi Naalakkersui-  
sut siunnersuummik saqqummiussaqaqarnerannut tunngaviusoq. Tassunga atatillugu suli-  
niutini angisuuni sanaartornerup nalaani nunanit allaneersunik sulisartoqarnissaq pillugu  
inatsisissatut siunnersuummik danskit naalakkersuisut saqqummiussaqaqassappot.

Aamma aatsitassarsiorfiusumi ineriartortitsineq aallartisarneqarsimasoq siunissami nu-  
nanit allaneersunik immikkoortoqarfimmi nutaanik unammillerfissanik ajornartorsiutinillu  
iluarsisassanik pinngorartitsinissaanik kinguneqassaaq. Apeqqut 6-ili pillugu akissutinni  
nunanit allaneersunik immikkoortoqarfimmi nalinginnarmi maleruagassanik ulluinnarni  
aqutsisoqarnerup nakkutilliinerullu pitsanngorsarnissaat siunertaralugit Namminersorlu-  
tik Oqartussat, kommunit, Politiit aamma danskit nunanit allaneersunut oqartussaaffiisa  
akornanni pitsaasumik oqaloqatiginnittoqartuarpoq.

Inussiarnersumik inuulluaqqusillunga,  
Inuussutissarsionermut Aatsitassaqaqarnermullu Naalakkersuisuni ilaasortaq

Ove Karl Berthelsen